



Broj:

Broj:

Sarajevo, 14.5.2020. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINA
SARAJEVO

PRIMLJENO: 14-05-2020			
Organizaciona jedinica	Klasifikaciona oznaka	Redni broj	Broj priloga
02-	50-6-	944/20	

Bosna i Hercegovina

Parlamentarna skupština Bosne i Hercegovine

Dom naroda

n/r predsjedavajućeg Dragana Čovića

Na osnovu člana 9. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15, 53/16), podnosim delegatsku

INICIJATIVU

kojom se zadužuje predsjedavajući i Kolegij Doma naroda Parlamentarne skupštine BiH da u najkraćem mogućem roku, u saradnji s predsjedavajućim i Kolegijom Predstavničkog doma Parlamentarne skupštine BiH, sazovu sjednicu Zajedničkog kolegija Parlamentarne skupštine BiH na kojoj bi donijeli odluku o sazivanju i organiziranju zajedničke sjednice oba doma Parlamentarne skupštine BiH na kojoj bi bio razmatran Izvještaj Vijeća ministara BiH o ekonomskim posljedicama krize izazvane koronavirusom u Bosni i Hercegovini, s prijedlogom konkretnih mjera za njeno ublažavanje.

OBRAZLOŽENJE:

Prema predviđanjima Svjetske banke, ukoliko mjere suzbijanja širenja pandemije koronavirusa budu ukinute do kraja juna, Bosna i Hercegovina bi se ove godine mogla suočiti s dubokom recesijom, uz pad BDP-a od više od tri posto. Kao posljedica koronavirusa u Bosni i Hercegovini očekuje se povećanje ionako visoke nezaposlenosti. Stopa nezaposlenosti se smanjila s 18,4 posto u 2018., na 15,7%, uz istovremeno povećanje zaposlenosti s 34,3 na 35,5 procenata, iako je stopa aktivnosti ostala nepromijenjena. Međutim, tržište rada još uvijek pogađa strukturalna nezaposlenost. Nova radna

mjesta gotovo da i nisu otvarana, a koronavirus sada prijete gubitku značajnog broja postojećih radnih mjesta, naročito u uslužnom sektoru.

Svjetska banka objavila je izvještaj o nedavnim ekonomskim kretanjima i ekonomskim politikama na Zapadnom Balkanu (Albanija, Bosna i Hercegovina, Kosovo, Crna Gora, Sjeverna Makedonija i Srbija), koji se bavi ekonomskim učinkom i izgledima za ovu regiju. U izvještaju se, između ostalog, navodi da će regija Zapadnog Balkana ući u recesiju 2020. godine, a njene posljedice zavisit će od trajanja koronavirusa u Evropi.

Prema procjenama, očekuje se porast nezaposlenosti, pad potrošnje, produbljenje deficita i značajno smanjenje ekonomskog rasta. Efekti će se, kako se navodi u izvještaju, osjetiti u gotovo svakom sektoru ekonomije, a naročito u turizmu, nekretninama, transportu, veleprodaji i maloprodaji, dok će poremećaj u lancima snabdijevanja i manja potražnja od EU-a dovesti do pada, kako industrijske proizvodnje, tako i izvoza robe i usluga.

Pravovremene, smjele i pažljivo osmišljene mjere ublažavanja posljedica COVID-19 mogu ograničiti socijalni i ekonomski uticaj ove krize, ali one moraju uzeti u obzir uslove u državi i nesigurnost u vezi s tim koliko će trajati kriza - navodi se u izvještaju.

Ove, kao i brojne druge činjenice, ukazuju na to da je od izuzetne važnosti da se i državni nivo vlasti aktivno uključi u ublažavanje krizne situacije u Bosni i Hercegovini. Riječ je sveobuhvatnoj, ozbiljnoj i vanserijskoj krizi koja traži hitni angažman zakonodavne i izvršne vlasti Bosne i Hercegovine.

S poštovanjem,

Delegat u Domu naroda PSBiH



Prof. dr. Denis Bećirović